



Broj: 03/1-50-14-7-12- 6/15
Sarajevo, 8.12.2015.

PREDMET: Informacija o posjeti članova Zajedničke komisije za odbranu i sigurnost BiH sjedištu Državne regulatorne agencije za nuklearnu sigurnost, Sarajevo, 20.10.2015.

Članovi Zajedničke komisije za odbranu i sigurnost BiH (u daljnjem tekstu: ZK) posjetili su u Sarajevu 20.10.2015. sjedište Državne regulatorne agencije za nuklearnu sigurnost.

U delegaciji ZK bili su: Bariša Čolak i Hazim Rančić, članovi ZK, Ljiljana Milićević, sekretarka, i Željko Grubešić, stručni savjetnik.

Sastanku s članovima ZK u sjedištu Državne regulatorne agencije za nuklearnu sigurnost (DRANS) prisustvovao je direktor Emir Dizdarević sa saradnicima.

Radna posjeta sjedištu Državne regulatorne agencije za nuklearnu sigurnost obavljena je u skladu s Godišnjim planom rada za 2015. te u sklopu pripreme Pete sigurnosne konferencije koja je, u organizaciji Zajedničke komisije za odbranu i sigurnost BiH, održana 4. i 5. novembra 2015. godine.

U razgovoru s direktorom DRANS-a Emirom Dizdarevićem i njegovim saradnicima članovi Zajedničke komisije upoznati su s nadležnostima, legislativom i radom ove agencije. Tokom sastanka bilo je riječi i o problemima u radu ove agencije, o saradnji s institucijama, agencijama i nadležnim zavodima, kao i o planovima koji bi rad ove agencije u budućnosti učinili još efikasnijim.

Članovi Zajedničke komisije tokom posjete imali su priliku da se neposredno uvjere u ozbiljan pristup menadžmenta Agencije u izvršavanju zahtjevnih obaveza u procesu primjene Strategije za upravljanje radioaktivnim otpadom u našoj zemlji. Članovi Zajedničke komisije upoznati su i o stanju radioaktivnih materijala na teritoriji Bosne i Hercegovine, kao i o monitoringu radioaktivnosti u BiH.

Tokom posjete bilo je riječi i o pripremama i učešću predstavnika DRANS-a na Petoj sigurnosnoj konferenciji, koja se, u organizaciji Zajedničke komisije za odbranu i sigurnost BiH, održala 4. i 5. novembra ove godine.

Član Zajedničke komisije

Bariša Čolak

Dostavljeno:

- naslovu

- a/a